

T5409/7920.21(19)

19

HARVARD-YENCHING LIBRARY
HARVARD UNIVERSITY
2 DIVINITY AVENUE

NOV 30 1956



全集卷之九

五言古詩補遺

聞陳宗湯湛民澤欲過江門遇颶風不果
用張廷實韻寄之

斬蛟須射虎水石敢誰欺老夢不知遠客來何
怨遲千休千處得一念一生持衰白如曾見斯
有或可依

與民澤

漠漠黃雲岡珊珊鐵橋水宇宙幾千年洞天今

有主借問子爲誰平生子湛子

題民澤九日詩後

我思陶長官廬山一杯酒世遠道彌光歲歲此
重九酒中有歌者劃然金石奏謂從秦漢下藩
籬士夫口藩籬苟不顧其中更奚有寥寥二千
載長夜不復晝俛仰宇宙間孤光映疎柳民澤
長者言藩籬有茲厚茲晨偶拈出以洗薄俗陋
景易讀書潮連賦此坊之

日往則月來東西若推磨及時愿有爲何嘗短

業課強者能進取不能空墜墮四書與六經千
古道在那願汝勤誦數一讀一百過嗟予老且
病終日面壁坐古稱有志士讀書萬卷破如何
百年內能者無一個書生赴場屋勢若疾風柁
不悟進爲退反言勇者懦吾聞邵康節撤席廢
眠臥又聞范仲淹晝粥充饑餓砥柱屹中流有
力始能荷汝患志不立不患名不大師友爲汝
資薪水爲汝助晁勉在朝夕川爲老夫賀

墨洲阻風

平岡礙農事一語五日留今晨阻長江風雨眠
歸舟老牛不乳犢寧爲水草憂念此結吾懷人
生易澆浮父子且有此他人復何求冥冥蒼山
屏澆澆清溪流童僕屢反側晨炊渴薪樵鳴鞭
走泥潦視我能來不行止各有時天道匪我由
會當息風濤鼓柁辭鳴鷗

送李世卿還嘉魚

楚地多佳人可慕不可求長江崩西浪五嶺障
東眸翩翩李叔子晤語滄漠秋諸賢當未衰濟

世吾何憂歸去襄南州問詢李與劉

襟懷有全楚勝處多臥遊大崖月罔罔赤壁風
颼颼行藏君自知可以與我否我若登南嶽寄
聲黃鶴樓

富貴何忻忻貧賤何戚戚一爲利所驅至死不
得息夫君坐超此俗眼多未識勿以聖自居昭
昭謹形跡

在物有常性水濕而火燥在人無常情所惡變
所好昨日見其恭今日見其傲蔓草輕芝蘭清

源亦黃潦世情每如斯聊爲行者告

疾風起驚濤舟以柁爲命柁乎苟不操舟也何
由靜是舟如我身孰知身之弃是柁如我心孰
祛心之病不如棄其舟免與風濤競

送梁國鎮

蓋有藏器人我病元非果徘徊思遠道欲往悲
定跋梁生千里駒東西無不可飛轡入長安垂
楊春婀娜

喜康沛至

五言六句

三年念遊侶奄至廬岡曲睨睨枝上鶯相呼入
幽谷平生真淡意至老方耻獨

七言古詩補遺

擬移木犀於上游黃雲示民澤

木犀金粟散天香在秋之季廬山陽湛生期我
上游庄移根千丈黃雲岡萬丈黃雲千丈山金
粟花開不等閒金粟氤氳塞兩間先生與爾同
歲闌

對菊

淵明無錢不沽酒九日菊花空在手我今酒熟
 花正開可惜重陽不再來今日花開顏色好昨
 日花開色枯槁去年對酒人面紅今年對酒鬢
 成翁人生百年會有終好客莫放樽壘空貧賤
 或可驕王公胡乃束縛塵埃中簪裾何者同牢
 籠

五言絕句補遺

羅浮

羅浮海上來高高幾千丈鐵橋倘不關諸峯危

流浪

世人未得仙斯事安知妄九等真洞天朱明惟

上上

題子長寓舍壁

子長亦何病夜夜此呻吟世無白家媪誰會子
 長心

驢背推敲去君知我是誰如何又兩手剛被子
 長答

慈母石

為門人
區越

慈孝相感激天機謝人力誰來石下歌見母不見石

鄉賢詠

馬持國

平生十數策決定要經綸不借魏公幕知心事直臣

馬晞驥

我邑登賢載君家父子俱清風端一硯五馬壘鄉閭

伍隆起

宋義士

中原不可復志士耻爲夷直把真心去何妨假首歸

羅希呂

孤高還寂寞道否卽詩窮自古皆賢達今人有此風

周

脩

剛直爲黃斌所殺

閉目青天下捐軀白刃前匹夫如有志溝瀆不須憐

張 撝

城西十日兩病叟得無饑亦有羅希呂
匡山嘗小詩

黎秣坡

名貞戎遼東

儒術聲名舊戎衣日月長
酪然尊酒下眼孔得遼陽

題莊子泉

閒看千丈雪飛下玉臺山
爭知白沙子不是南

華山

題茂叔蓮

船入荷花內船衝荷葉開
先生歸去後誰坐此船來

題淵明菊

籬下花堪把先生有酒不遙看
白衣者不復問江州

題和靖梅

髮與踈梅白身將寡鶴親
孤山殘雪後清絕凭欄人

六言絕句補遺

夜書南安店壁

千里紅塵倦客幾年白髮衰翁野店孤燈夜雨
寒房四壁秋蟲

次韻景雲蒼梧往復

朝辭白土低岸晚泊和尚高岡樵唱雲邊細路
漁家石角輕航

雲水幽疑絕境江流東見通津蒼梧遠尋仙侶
端溪頗恨人情

天地安排蓑笠江湖放浪漁船或者天隨是我
斜風細雨前川

六言

柳渡一帆秋月江門幾樹春雲來往一時意思
江山萬古精神

贈陳聰還莆

緼袍不妨學道絕毅可以求仙相府胡爲慢士
紙田自有豐年

青錢不滿杖頭雪繭徒勞兔穎相逢浪勸歸耕

白雲子全集
卷九
實欠蘇秦二頃

七言絕句補遺

懷張詡

南北東西一馬塵
相思何處不傷神
竹邊閉閣長無事
猶厭山雲軟素巾

魯兩生示民澤

九五當朝須勸駕
兩生朝突不留琴
想見古來交會盛
鴛鴦譜裡盡傳鍼

黃雲右關

長短句

萬丈黃雲千丈山
金粟花開不等閒
吁嗟乎金粟丈人與爾同歲闌

黃雲左關

長短句

萬丈黃雲千丈山
金粟花開不等閒
金粟氤氳塞兩間
吁嗟乎金粟丈人與爾同歲闌

贈秀夫如江東

乙巳秋作

浦口來尋舊路岐
柴門過午未開時
青山十里花圍斷
不許遊人折半枝

讀陳庸詩稿

天上霓裳久寂寥人間何處不詩瓢寄言雪月
風花好都在騷人仔細描

張巡

獨救江淮阻賊兵乾坤回首盡羶腥何人肯救
睢陽急不使忠臣付忍名

許遠

援絕城孤力不任途胡天討竟成擒却憐當日
奴羹進酸盡平生長者心

南霽雲

萬人回首看浮屠肯訊將軍躍馬呼誰續睢陽
三口命進明先斬後擒胡

秣坡先生釣臺

少年朝暮釣池傍嬉戲哦吟送夕陽却憶子陵
臺上月至今千古共流光

樂歲呈楊大尹

舍北歌童槌破鼓舍南春婦着新裙田家少遇
豐年樂盡道今年是十分

元夕將來拍鼓譁茅簷燈火醉家家長官願似

丁明府甲首終年不到衙

壽陳靜軒七十次世卿韻

甲子如何管得翁全無白髮有青瞳赤泥更是
遊仙枕兄臥西頭弟臥東

午睡起

道人本自畏炎炎一榻清風捲畫簾無奈華胥
留不得起凭香几讀楞嚴

用韻寄鍾美宣

綠柳黃鶯紫水涯市橋沽酒醉春沙江花一樹

詩人別如此風光屬自家

晝睡爲雀所喧

野風吹隙簷翻雀晝攪床風雀攪眠若道神仙
無一事老夫當日未神仙

失僕

粥罷腰膝亦上山曠時悵望負芻還乍疑乍到
忘歸路月滿東楹未上關

定山許撰一峯墓誌東白許墓表久不見

示

先生老去銘當出東白人來表可聞却愛大流
山上月清光先到一峯墳
今古多聞遷史記一峯何必我同年先生存作
垂千古東白曰然我亦然

金鰲閣

橫浦秋成百尺橋金鰲閣上見山遙
凭高無限歸來思何處飛雲不可招

鐵漢樓

鐵漢元來亦是誇羈魂入夜遶天涯
數聲羌笛

樓前月落盡寒梅一樹花

墨花臺東坡遺跡

汝弼卽是張長史堯夫方愛陳公甫
何處思君不見君墨花臺上廉纖雨

橫浦橋

乘輿十月猶溱洧子產未知爲政在
隔河騎馬是何人下馬問訊張東海

濂溪臺

黃菊花開又一年南山無分對陶潛
不知風雨

隨儂否惱殺臺中一夜眠

葵庵

葵花愛日臣愛君臣與葵花共此真試問春來
桃李樹紛紛同者是何人

春中

時光堪喜亦堪悲歲歲春隨斗柄移送老一條
叩竹杖夜挑明月上臺磯
北風吹我早裘輕不借肩輿一日晴九十日春
都
不見跣趺榻上看雲生

龍溪不賞去年花今歲春光喜在家多謝花神
憐舊識盡情開向白牛車

夢長髯道士以一囊貯羅浮山攜以遺予
紀以絕句

一口囊盛四百峯翠林香霧春冥濛低頭笑問
長髯老何處方壺有路通
千仞飛雲隻手拏采鸞停處是仙家青牛騎過
鐵橋去踏碎琉璃瑤一路花

同馬默齋候麥秀夫夜過白沙和韻

東風吹老桂花天坐久寒生月下氈見許夜深
移艇過笛聲何處二更前

待馬默齋不至諷以是詩

花前誰共引杯長風送歌聲到蔽郎莫唱雍門
絃上曲從來此曲斷人腸

白沙社有懷書張廷實詩後

海上竹枝非楚聲壁間科斗是賢名粵堂東望
不知處惟見白雲天際生

依韻答周太守瑛見寄

白馬山前雪滿扉隔江雲樹晚依微津頭日日
行人過不見長安舊布衣

相逢記得入京年夢破邯鄲不受牽更說莆陽
風景好木蘭溪裏木蘭船

醉鄉

管勾仙家碧酒春醉鄉今日屬何人天高地迥
無人到試就陶潛一問津

睡鄉

漆園蝴蝶故翩翩一落人間今幾年試向蠲黠

原上望八荒明月正堪眠

梅花下感事

桃李村村待發蒙
孤芳憔悴不成叢
天涯一寸腸如結
吹斷江城曉角風

月夜與何子有飲梅村社贈之

溪北溪南踏月遊
梅花村落似羅浮
東風夜卷殘潮去
留得何郎半日舟

八日今年又共君
他人交態白頭新
開懷一

梅村酒時復停杯
問故人

夢先兄持絕句見示及覺忘其前聯以意足之

松林土屋閉斜曛
人世悲歡那得聞
閑處釀成玄碧酒
秋來携過武夷君

京師初歸答容琴月

舊遊風月未應忘
到手新詩喜欲狂
記得長安秋雨夜
三人燈下說西良

三洲巖聞虎

草動雲飛十里風
三洲巖下吼聲雄
先生自對

山靈笑不道前身是遠公

經坡亭

水繞寒柯霧半籠
遊絲輕曳釣船風
三洲覽遍題名處
閒向坡亭說長公

枳殼

蔭蓄枝頭春意長
臥看蜂蝶往來忙
不知今日聞多少
熏得先生枕席香

題攜琴訪友圖

松崖日暮水聲深
何處攜來綠綺琴
磴石隔林人不見
只疑魍魎是知音

答徐侍御索草書

寒窓弄筆敢辭難
也得先生一破顏
不要鍾王居我右
只傳風雅到人間

代簡舊友克明梁先生

瓊山綠水舊遊行
滄海歸來語後生
幾醉幾醒醒後醉
世間何事合留情

至日梁聽松睥白石惠生魚

克明弟

朝來何處得庖鮮
白日村邊響夜舷
布被蒙頭

呼不起真成至日閉關眠

周文都伍伯饒馬玄真諸友約釣河豚伯
兩弗果伯饒復遣人來約答之時玄真文
都在病

七月十日秋正來漁翁夜上臨江臺斜風細雨
不歸去若個玄真安在哉

秋入江門風怒號江水未落濤頭高晴明三五
君須記月下溪邊遲小舸

河豚正美周郎病玄真不出公奈何絲綸一握

三千丈獨釣東溟雨滿蓑

梅月用莊定山韻

四時萬物無非教人傍梅花月傍軒若道不關
梅月事宜尼何事欲無言

溪上梅花月一痕乾坤到此見天根誰道南枝
獨開早一枝自有一乾坤

和世卿

越山楚山皆白雲楚越如今不必分三十六峰
同一樣不如何處武夷君

早樹雲霞亦假名高齋何處不先生解尋正路
呂牆下榜也如今是典刑

次韻董子仁見寄兼以林蒙菴周時用提
學

江門花鳥欲春闌脚帶雲霞步步寬君到閩中
試借問龍山何事別長安

還將病骨畏秋聲一枕江流是我生若道嚴陵
偏不事漢人更有聖之清

鱷洲山遇虎

登高停棹鱷洲山獨自忘機虎跡間忠信於人
真可仗爪牙當道却須還

鱷洲阻風

半饑僕冷不能噀短曲長歌互有神今日誰家
能走馬泥深還掛一壺春

晚發厓山

江水初寬白鷺飛厓山欲莫赤楓微孤舟獨背
湯瓶去不共前川釣艇歸

厓山雜詩

寒雲黯黯日模糊南有蒼厓對撚鬚今夕孤舟
不成寐白鷗飛盡我踟躕

北風半夜卷滄溟杖履船頭候曉晴滿日寒雲
吹不散一帆細雨濕湯瓶

萬古青山自落暉白鷗穿破水雲飛孤舟江畔
無情思閒與兒童咏綠衣

北風何事更長吹盡日孤帆逗水湄吟遍天涯
歸未得江神應愛石齋詩

經都會故居

八月四日作歸裝解艇衡寒到石塘忽見溪邊
舊環堵恨隨流水繞村長

總角展書溪樹根風光不比洛陽園碧桃盡屬
西王母綠橘先分小弱孫

秋日東軒漫題

雞崩匏落不禁秋臥對蕭騷月半鉤彭澤須收
三頃秫菊花無酒笑人盃

黃葉紛紛江水流人間何處不悲秋江邊野老
無名姓笑向滄江任白頭

寄馬默齋

正山風月滿吟壇誰把漁郎薦老官眼底秋光
供點筆等閑休作負彭鸞

追和白石馬教授奉寄其玄孫馬竹隱

山深谷冷老烟霞君在孤村第一家一榻清風
明月夜鈎窓閒對紫薇花

贈曾確還博羅

風袂飄飄過五羊五仙遮道問行藏廬山莫道
無分付領得春風古桂香

示兒

張公九世尚同居忍字專書一百餘受唾由來
稱長者而今市輩却嗤予

門前賓客偶相投忽忽浮生五十優君貴我貧
俱是分敢將丘壑傲王侯

聖心太極一明蟾影落千江個個圓五十年來
如夢覺臨岐更出示兒篇

遊白雲

擔頭行李但書囊撰勝尋幽到上方身與白雲

同去任客從何處問行藏

灌溉忽縣尹送酒至

一甌西注一甌東兩徑初移綠未濃忽見白衣
待酒至擬留一斗待秋風

次韻答丘侍御

五月江門荔子叢繡衣下馬擘殘紅兒童爭走
烏臺節笑挽青荷立水中

玉臺贈黎民瑞

青天何處一登臺脚踏黃雲萬丈開聞說程鄉

長官好抱琴歸去抱琴來

讀近思錄

楊墨偏高子莫疑孟軻精一古心期日長對案
無人到風雨巡簷一詠詩

六經不假羣賢補却憶宣尼下手時白首齊心
顏子坐青燈橫几大臨詩

大學西銘迤邐攤從前只假半年閒誰家繡得
鸞鴛譜不惜金針度世間

寄黃仲昭

江西諸子在春風
我有新碑落永豐
海濶天寬無可寄
只將狂斐爲君通

次韻胡提學訪攬山

斜風細雨綠蓑衣
江上人家半掩扉
莫向天涯歌獨醒
白頭漁父笑人非
今朝黃鳥喚春回
桃李還知帝力裁
昨夜殷雷無意緒
黑雲將雨滿山來

訪教諭何宗道

樹隱肩輿行欵欵
花催春鳥鬧關關
蘇公渡口

雲連水宗道廬前
雨滿山

峽山別胡提學還至九江作

峽山飛出兩三航
滿載離愁下九江
夜泊孤舟不能寐
自燒銀燭到秋江

畫蘭

誰將水墨寫橫披
竹石荆蘭也自宜
記得湘潭秋雨後
清香猶帶楚臣悲

對菊

陶家園裏舊開叢
復入山窓對此翁
一曲一杯

花下醉人生能得幾回逢

喜孫讀書

閒看溪水繞橙根自握刀鉏斫小園日午課詩
孫漸長上堂誇與阿婆言

芙蓉文筆

丈人日暮看芙蓉湘水西來第幾峯兔穎剝天
無屬我今爲松桂主人公

寄李子長

能將玄酒注金卮混沌誰教更鑿之我借元初

溟泮好爲君驚喜爲君悲

題孔雀圖

兒女心情未遣知白頭笑賦雀屏詩可能乳得
西周鳳來壽 君王億萬碁

題蒲石畫

一石青青蔭幾蒲半篙烟水欠模糊江門有
丹青手也把江門畫作圖

雨中送客江上偶成

細雨江邊送畫橈肩輿如夢看春潮不知此處

白鴻孫金集 卷九
誰分付笑倚南風酒未消

次韻呈長官贈鄒汝愚

江門還我自由僊七洞天西小洞天南去北來
船過盡無人肯在釣臺前

再韻呈吳獻臣

雙鳧海上果誰僊竚看飛騰上九天爲問南遷
鄒吏日幾時歸去玉皇前

候方伯劉東山先生至

客從天柱得琅函來試丹砂嶺以南有個道人

眠不起洞門深鎖白龍菴

易傳遺書共此函偶拈一事問河南數千里外
涪州夢透到龍門何處菴

次韻謝天錫登三層頂望崑崙池作

兩眼高憑何處空白龍猶在有無中旁觀莫道
崑崙小氣蓋東南萬萬峰

手拍崑崙歌次寥虹橋月下拜相邀回頭笑阿
玄真子繞到葵山柏路遙

卜居茶井

海鳥回翔何處歸
海山春到白龍西
欲搏九萬無風力
認着崑崙便托棲

寄陳秉常用天賜韻

早援深谷採花原
舉手來扳笠頂天
誰與浪傳青鳥信
君今疑是白龍仙

次韻沈別駕見寄

我生之初我有真
百年泡沫往來身
一丸也恨無分付
誰是乾坤會弄人

夜坐

露冷風清正酒醒
誰家今夕不勝情
人間老去無愁思
獨倚疎梅看月明

次韻復趙提學

雨打風吹一樹花
孤根不肯向人斜
晚逢青眼何須恨
未到朱樓莫浪誇

與倪麟

沙水東西兩石橋
夕陽飛馬剪山腰
不知酒興還多少
一路清風吹不消

挽竹齋

屋裏沾裳羅一峯門前又報竹齋翁一年氣運
天何極兩歎交情日未窮

題畫鷹

秋風垂翅下雲衢野性翩翩不受羈欲借一枝
江畔宿等閒花鳥莫相疑

夢曾哲

傾蓋寧知是夢中絕塵標致却春風千秋此意
吾能說不與由求面目同

讀韋蘇州詩

夜雨齋燈卷未收清譚白首對蘇州晦翁兩眼
滄浪碧也爲先生一點頭
五言夙昔慕陶韋句外留心晚尚癡敢爲堯夫
添註脚自從刪後更無詩

道經七星巖

百丈巖前石鼓鳴山人今夜動山靈同舟亦有
知音者其聽乾坤第一聲

七星巖下醉神僊猶占龍床水底眠我有一尊
延壽酒月明今夜對南山

戲贈二謝生

婉轉青囊傳二謝淵源來自馬蹄洲山人眼是
庖丁手解把屠牛破土牛

與李世卿約遊圭峯

方壺使者與公期老我三山乞住持且約圭峰
爲社會一圖今古付王維

和世卿

山靄霏霏碧滿叢清風不奈俗塵何人問久矣
無高鳳何處如今楚鳳歌

次韻奉答李方伯介軒潮迎見寄

姓名秋榜忝同郡四十年來守故常狂地撐
吾亦有一莖青玉過蒼長

下侍水顏累十次可憐相近阻相求此心未
旁人識公在山音僕在舟

弘治己酉春歲七月進士以史事貴州

取道廣東過予白步自巳卯至丙戌凡

日辭別三首予亦次韻爲別明日七月

潮連寨方卜餘里道隸回弁得三絕和

通前九首吾與仁天之意皆不在詩也
尚多乎哉仁夫浙之蘭溪從學章先生
懋吾廿年舊好故吾詩兩及之

江門棧路幾人通兩月公程來向東何處敢
吾箸眼短牆疎竹是家風

雲去雲來等是浮獨凭高閣看江流南風莫

東歸客更共江門一日遊

家近桐江舊釣臺鴈林何日暫歸來

如相問道我山中日閉齋

將窮一著遍謝公全句算江東眼中論事

知章子是有當年國士風

洞門終日白雲浮洞裏桃花覆磻流誰道乃公

閒似我不曾攜杖白雲遊

百丈江邊有築臺自從君去望君來黑頭了却

人間事更約焚香共小齋

韻仁夫潮連寨見寄

極目長江傷戍心滿身風雨立江潯帝城此

去幾千里一度逢關一寄音

相望日已賒
包義已上孰
名家不識乾
坤
雲
借人門戶甚
博涉

鳥飛處
躍處
正當隨柳傍
花時
今人不
道
只把中庸
語
子思

彈子磯
候默
背不至

軍人打鼓泊官船
黑霧濛濛水下灘
隔岸相
不相見
竹籠牽火上
梳竿

清溪道中

西風吹冷峽
山雲
紅葉清溪
點綴新
惟存

露裏影
至今
猶戴玉臺巾

蒙裏驛
呈送行諸友

相隨征路二旬餘
笑指前山別老夫
却到前山

心未了
西風燈燭兩踟躕

南雄讀羅一峯記書院文

空費何處草
離離千里湖
西夢覺時落日小
池
看上路
催人下馬讀殘碑

度嶺

天地風雲會有辰
開元可是欠經綸
千尋松下

看流水十八年中度嶺人

玉枕山和南安太守張汝弼

一枕秋橫碧玉新金鰲閣上見嶙峋使君得此
兀無用賣與江門打睡人

過天柱峯

天柱峯前望故鄉西風淅淅鬢蒼蒼愁腸暗
愁新斷誰道青山是劒鋒

宿廻龍寺

酒醒廻龍欲二更迢迢秋漏徹江城何須不

東湖棹徐駕亭前月自明

題雲嶺

路旁指點一峯墳一老西巖坐白雲盡是唐人
詩境界千林紅葉訪徵君

與豐城知縣王本儉

劍水相逢梅始花春風吹動長官衙詩家到此
須分別不共河陽一處誇

贈劉進夫還永豐兼寄羅養明楊榮敷羅

清極湖山諸友

工船戀戀費行囊我托劉郎亦是仙何處青山
君憶我月明湖上酒醒眠

一峯原上夕陽斜雲掩閑門幾樹花見說西風
吹不死散分春色與隣家

釜川銀燭照離情畫舫行人一月程相憶却憐
山寺遠不曾夜半到鐘聲

題劉主事顯仁挽詞

曾傾白下郎官蓋忍讀青田太守文今日九原
誰是伴里中新有一峯墳

和婁侍御

偶與梅花作主賓旋將幽意托龍唇曲中若有
千年調也要先生會入神

贈祝秀才鄉試

祝生南赴應天闈萬里秋雲一鶚飛我有蘭溪
他日意敢將裁入送君詩

蘭溪章子多詩別得見平生祝器之衰老不知
言語費逢人信口話庖羲

和羅洗馬韻

五十東溟始願違安知不是慕甘肥今朝怕上
花衢馬猶恐黃塵染素衣

贈江通判

明朝別駕過金壇暫到茅山亦不難我憶江門
歸未得爲君沽酒慶茅山

謝何秋官惠米追次陳後山韻

相逢不肯訴家貧眼底斯人又姓陳慙愧太倉
分一斗乾坤多少病饑人

過潮縣風大作取舟中儲酒飲之

黃菊開時歸意濃泥尊名酒未開封不辭拚作
陶潛醉受盡長河一日風

謝壁間李學士和予藤蓑詩偶成奉寄

西涯一曲我藤蓑對此相思可奈何今日玉臺
應說我海門何處扣舷歌

春雨江門着舊蓑釣船相近問如何白鷗分定
閒眠界猶唱西涯學士歌

剡溪

剡曲溪中雙槳鳴老翁訪戴是虛名雪消月出

歸來夜只有詩情與世情

雲封寺有曲江遺像戲題

嘗疑大塊本全渾
不受人間斧鑿痕
今日雲封禪寺裡
曲江遺像任塵昏

不寐

舊雨今雨漏湔湔
長更短更聲相連
向人酌我今尊酒
暫醉慈親臥帳前

石門讀貪泉碑

芙蓉花發西華寺
遠訪殘碑到石門
一曲貪泉

歌未了夕陽紅近水西村

贈曹侍御璘謝病

飽蕨青山更飽眠
襄陽歸去自今年
眼中未有如公早
存史前頭或姓錢

雜詠

過午城中走帖還
老夫對酒社東山
詩家進步如撐艇
又上前溪一兩灣

傍花隨柳興飄飄
澗水牽情到石橋
勃率未堪還自笑
眼前剛好被春撩

白沙子全集 卷九 三
不坐人間彩鷁舟怕逢漁父問因由君家酒錢
輕於葉試遣長鬚爲我謀
拍月縈爐一小舟欲窮仙島路何由須君一見
安期老指點蒼茫爲汝謀

得世卿詩

笑顏別後幾回開詩到衰翁輒舉杯擊壤狂歌
千首在一春無計寄一來
東野功深偏洗削退之意到每優柔眼前一二
聊拈掇正好承箕對孔脩

夢中作

日出東山尚未眠開尋溪水弄溪船人間一種
惟予樂只在溶溶浩浩間
躑躅江邊水沒橋沿溪貪賞不辭遙獨憐歸馬
無鞭策未忍臨風折柳條

題徵仕郎張公孺人區氏墓誌後

蒿幕已鐫東白誌西涯又撰孺人碑莫道不傳
家世事當年兼有兩公知

種草麻

山渠面面擁葦麻鎖盡東風一院花江上行人
迷指顧老夫於此煉丹砂

短檠他夜照書床一觥葦麻也借光老去圖書
收拾盡只憑香几對羲皇

紅朶青條擺弄同人問無地不春風莫輕此葦
葦麻子也在先生藥圃中

葦麻得雨綠成畦如此風光亦老黎飲後小菴
搜句坐山禽啼近竹門西

葦麻透竹逕通雲雲裏樵歌隔竹間手把長鑿
種春兩風光吾與老黎分

種子葦麻合種瓜青山周折兩二家老夫來構
茅茨畢別種秋風一徑花

次韻李憲副若虛白沙別後途中見寄

江門春浪兩涯平半醉船如天上行坐冷燭花
歸問夜逢逢津鼓欲三更

咫尺圭峯不見臺春雲將雨幾時開山中一徑
無人到除是青天畫舫來

江城無處不通潮風疊寒漪色更嬌詩舫飄飄

何何處高涼西去不勝遊

和鹿步韻

雲甜一枕鼻呼雷江浪如山夢裏來乾坤
雙眼不向三洲鹿步開

贈湯地理師

昏泥沒屐大江潮溪北初經獨木橋千丈峰頭
望東海三山正對杖頭瓢

錦囊以上不堪言老郭元來亦是仙笑殺
諸年少欲持阿堵問君傳

南越山川拄杖交東風何處送歸舠一條路打
朱明過直下潮陽看海濤

雲水相逢是偶然江亭燒燭話新年眼中但有
牛眠地指點青山不要錢

贈鄒處士還合州

人間憂喜也無期萬里間關一馬歸莫灑東風
別時淚春光又滿老萊衣

石城米賤雲門鎮吏目身輕翰苑官歸去山中
偏好睡家人不用遠來看

題也可正上見一空

交交黃鳥弄春晴也可
山庄隱兒聽莫以山林
笑流俗山人元是此山靈

青山何處倚鳩藤
回首塵埃幾折肱
林下一壺誰共醉
淵明只好對高僧

醉中作

酩酊高歌掩舊書
青山日月笑居諸
一番春雨無分付
枉種桃花三兩株

酩酊放歌何處來
東風吹笠上溪臺
臺傍有

高飛鳥飛向三山去不回

觀物

一痕春水一條烟
化化生生各自然
七尺形軀非我有
兩間寒暑任推遷

早飲輒醉示一之

清晨隱兒入無窮
浩浩春生酩酊中
我若扶藜出門去
可能筋斗打虛空

得廷實書

洗竹添花張戶曹
忽拋閒散事煎熬
東門春水

無人釣又長溪頭幾尺高

田夜讀

田白沙孫也

朝來窓壁尚塗鴉燈下吾伊且賞瓜不是風雲
天上夢阿田家世本桑麻
掃突炊秬及早鴉東臯時有未芸瓜田家樂事
如翁少男戀詩書女戀麻
憶年童稚髮如鴉稍稍東陵學種瓜今日肯嗟
頭似雪江門三畝但葦麻

紀夢

偶然嘉惠得隣封無數金錢出袖中欲向萱
談此夢隔簾斜月未聞鐘

得世卿子長近詩賞之

漠漠江天對把詩竹壇風日引杯遲翁歌此曲
兒當續問着別人都不知

飛雲高起大厓深兩處天教兩鳥吟莫把隴山
來比釜山頭鸚鵡被人擒

詩到堯夫不論家都隨何柳傍何花無住山僧
今我是夕陽庭樹不聞鴉

鄒吏目書至有作兼呈吳縣尹

傾蓋投緘不自輕
人間造次幾晨星
天涯放逐渾閑事
消得金剛一部經

落花遙對石城春
半篋殘書一病身
茶筯粟瓶供客盡
不妨人笑長官貧

天涯仙客病渾家
開過東風幾樣花
容易江山得重九
問君何地落烏紗

張侍御叔亨將赴京遣人告行求贈言
已賦此以咨

不為泯泯卽波波
天命委之人奈何
秋鴈未來君好去
文章覆瓿不須多

梁文冠抄詩

口謾吟哦手謾抄
風壇疎竹晝相敲
不知今日

滄溟上天放何聲
此處高

雪月風花信手抄
皇王帝霸入推敲
伊川擊壤

三千首都共南風
一項高

君到詩情每被抄
玉臺秋磬借僧敲
門前荷簞

知心否雲鎖千峯
月正高

屋下塵編不暇抄狂歌試把鐵橋敲
秋風背取詩囊去且看擎天柱杖高

夢緝熙

花前把酒問平湖君到閩中憶此無
夢裏征帆西下疾兩人江畔笑相扶

宗廉送明瓦屏風至次韻答之

小中雖異大中同明處韜光暗處通
三直五橫真本子人間無路獻重瞳

瓦木鋪排得此身乾坤何物到頭真
道人具得屏風眼還向小齋來卜隣

渡厓海

爭如天上弄銀河不使鳴榔亂我歌
有酒只邀王母醉托身明月挂婆娑

題石泉

蟹眼不絕西坡陀涓流直下成江河
君釣石泉歌不得江門漁父爲君歌

贈宗兄汝學使廣西還

匹馬行行西復東一鞭騰破雪千重
寒梅初放

一枝白間破江南無數紅

五言律詩補遺

承張方伯報旌表家慈貞節

大喜來何處勞公一札香
聖恩元浩蕩老母
自冰霜此報符佳夢他時益大防無論一家惠
舉俗賴虞唐

旌表家慈書至

十一月二十七
冬至後一日

迢遞來金闕光輝動華門世知慈母節人帶

聖君恩笑喜翻疑夢榮封卻未言痴兒何以報

忠孝節諸孫

荆扉無外事散步數雞孫特地開雙眼從天降
一言江山同出色存歿各沾恩斟酌杯中酒春
風欲到門

病中詠梅

去歲誇身健尋梅到幾山酒傾崖影盡衣染露
香還北斗今何向南枝半已殘下堂兒女笑老
脚正蹒跚

孤山一片雪千古獨稱奇此外不能到人間都

未知正嗟同賞絕又過半閒時回首西巖下南
枝映北枝

人生如逝水花發見南枝對影身猶隔聞香席
不移延緣看月久勃窣下階遲坐恐芳時暮扶
衰了一枝

何處梅稍月流光到枕屏江山都太極花草亦
平生閣冷香難卽窓晴影似橫凍崖妨足蹇藜
杖意高撐

隱几日初下東巖興復饒月高寒自照花近夜
栢捺濁酒頗堪寫清絃豈易調羅浮在何處魂
夢與逍遙

水陸花何限梅花太絕塵如何開眼處不見賞
花人北塢風微動南梢月自真老夫前席坐得
意不無神

山閣數株梅山翁手自栽有花娛我老無計避
人開色映書帷淨香尋墨沼來度幾吾服汝不
作委蒿來

風月江山外乾坤草木間卷簾疎影動柱頰暗

白湖子全集 卷九 四
香還約伴多爲地吟詩別作壇終南雖白閣不
恃小廬山

何處花堪憶江門水背過滿身都着月一片去
隨波高倚松爲蓋清連竹作窩白鷗嚙不去飛
入釣魚蓑

借如挑有實方朔不來偷山近重重見人無淺
淺休路經寒水斷香被白雲留寄語林和靖江
門是一丘

陶僉憲約遊匡山立張陸公祠

西風吹桂楫公泛兩匡間落日看碑過中流掩
袂還蹟留新棟宇名落舊江山二百餘年下誰
無一日閒

遊匡山次李九淵韻

前劫消磨盡中原恨未沉興亾先有識秦賈竟
何心一一憑天地勞勞笑古今千秋匡石角泛
艇一來臨

不待禪興後神州已陸沉孤臣空有淚大塊本
無心索寞皇圖舊經營廟宇新暫携二三友斜

日共登臨

答丘蘇州

三年思楚水尺牘走蘇州
滄海疑真蹟黃堂是
舊遊遼東憶賀子廣德問周侯
頃日相傳報青天更倚樓

壬午京城除夕

爆竹沿更響燕城覺歲除
客懷元自在詩興乃
何拘大地行藏活風花點弄迂
天遭老文侍筆酒幸相娛

五言排律補遺

鍾氏席上賦四十韻

九日江濤穩孤舟客子來
兩番驚老瘦一別長
嬰孩爨婢攜筐出溪童負水回家家
秋釀熟處處菊花開饌有江魚美
拳無俗子猜敬恭存酌醴意思劇
甘醅暫去終投轄將留故下鉤
稻喧防笑語屢起雪罇壘石榻偏
成臥柴關莫浪推交情雙爛熳
高興一崔嵬樹暗蟲飛亂山深猿
嘯哀蕭騷鳴磻竹綠淨映溪苔
吹蓬丹楓浦鳴

擲白浪堆平生羨漁牧此地訝雲雷掬澗頭垂
膝看雲手拄頰天機聞答響物理識枯菱小立
依林隙微吟近水隈直防紗帽落不放玉山頽
穉子能看客諸君總愛才燒茶供小枕醒酒當
殘杯跡混何須滅心空不假灰相依南郭倚獨
傲北枝梅孔氏終懷寶顏公未鑿坏囚君投僻
遠爲我剪蒿萊瓜接青門邵堂開綠野裴疏渠
下滾滾辨土得每每盛惠兼羣從香名盡八垓
自慚非俊傑何足憂瓊瑰欲報王孫飯深愁漂
母流連過日暮感激把詩裁問客分粃粒呼
奴拾芋魁生涯從料理勝事亦胚胎松栢當軒
大桑麻繞舍栽清泉幾仙井白石一天台閬苑
何勞擬桃源若可陪東臯辰傲睨南陌夕低徊
或作騎牛者何嘗躍馬哉峰巒皆錦繡屏翳亦
樓臺堪覺賡詩苦無寧著雨催憑將一斛水盡
滌句中埃

又五言古詩補

贈容珽

醫醫峯頂木裊裊峽中溪下有飛古寺上有哀
猿啼我昔經過日登臨上扶藜中流日黯黯兩
岸風淒淒遠行會離索四顧仍低迷羨子意氣
豪別我無一悽行行至斯峽爲我試留題

真樂吟效康節體

真樂何從生生於氤氲開氤氲不在酒乃在心
之玄行如雲在天止如水在淵靜者識其端此
生常乾乾

又古風歌補

慈母石歌

爲門人
區越作

巖石江頭峻如壁舟人指爲慈母石慈母名來
不可聞巉巖兀嶺秋江碧我聞慈母名起我父
母思人有父母誰不思我思父母徒傷悲憶昔
生我童穉時家貧逐口圖生資析薪與我代燈
燭鬻衣與我買詩書朝夕俾我苦勤學戒我勿
似庸常兒况生我命苦多疾父母提挈綿歲月
一朝我病忽呻吟父母呶啞面如漆父母衣我
今寧自寒父母食我今寧自饑我今身爲一命

仕薄俸堪將備甘旨二親已去掩荒丘薄俸還
將飽妻子幾迴舉筋食腥膻默默不知雙淚漣
收淚還將酒杯奠杯奠不到音容前慈母石世
罕有汝在江頭天地久我思父母不能養恨恨
當同爾齊朽嗚呼罔極恩難報幸今賴有移忠
孝尚當竭力事吾君庶可揚名酬二親詩曰誰
化江邊石世傳慈母名神枯真可想意得貌如
生行路三回顧題詩獨見稱丹青在人目千古
共沾纓

戒懶文

大舜爲善雞鳴起 周公一飯凡三止仲尼不
終夜思聖賢事業 勤而已昔聞鑿壁有匡衡又
聞車胤能囊螢轉 心焚膏晷映雪未聞懶者習
其名爾懶豈自知 待我詳言之官懶史曹欺將
士卒離母懶兒 號寒夫懶妻啼饑猫懶鼠不
走犬懶盜不疑紉 看萬事乾坤內祇有懶子最
爲害諸君子聽訓 誨日就月將莫懈怠舉筆從
此寫一篇貼向座 心爲警戒

Handwritten text in vertical columns on the right page, possibly bleed-through from the reverse side. The text is partially obscured by a dark, smudged area and a vertical strip of tape or binding material. The visible characters are in a traditional East Asian script, likely Chinese or Japanese.





